



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XIV. Cùm olim.

[urn:nbn:de:hbz:466:1-62559](#)

verbum *exigeres* propriè afficit ipsum iuramentum, vt sensus sit, cùm Capitulum & Archidiaconus viderent, quòd Patriarcha postularet sibi tale iuramentum præstari, appellarent, ne id fieret: Sed non obstante appellatione præstitum fuit iuramentum. Sin autem iuramentum fuit factum ante appellationem, tum verbum *exigeres* refertur ad effectum iuramenti, vt sensus sit, cùm videbent exigi, quod iuratum erat, cùm Ecclesiæ suæ præiudicio, ad Sedem Apostolicam appellasse.

N O T A N D V M I. Si Episcopus Ecclesiam alteri subijcere, aut quodlibet onus imponere attenter, Capitulum se opponere, & appellare potest: Imò non tantum Capitulum, sed etiam alias quilibet eius Ecclesiæ Clericus, c. si quis, 6. de rebus Ecclesiæ non alienandis. Quòd si omnes tacuerint, Superior ex officio succurrere debet: cùm agatur causa publica Ecclesiæ, sicuti notat Imola h̄c n. 7. Abb. n. 3. Felinus §. Quilibet de Clero. Et simile esse aiunt, si Dominus loci territorium, aut iurisdictionem alteri subijcere velit, quòd subditi & vasalli contradicere possint, cùm ipsorum intersit, ne pluribus dominis seruant, maioribusque oneribus grauentur, vti Imola h̄c notat n. 5. Abb n. 1. arg. c. vlt. hoc tit. iun. Gl. vbi idem Abb. ait: Quòd dominus non potest compонere super iure superioritatis in præiudicium subditorum, atque consensu eorumdem. Nam interest eorum non habere multos dominos, aut dominum non mutari. Merito autem opponebant se hoc loco Canonici, quia iuramentum exigebatur ab Episcopo prætextu consuetudinis; consequenter ita, vt esset onus reale ipsius Sedis Episcopalis, atque ad successores transiens, sicuti ex Goffe. idem Imola aduertit h̄c n. 8.

N O T A N D V M II. Si quis contra grāuamen extrajudicialiter appellavit, quæcumque postea contra appellatiōnēm acta vel attentata sunt, Iudicis officio rescinduntur, si causa appellationis iusta ac probabilis fuerat. Ita tradit Imola h̄c n. 12. Felinus n. 4. vbi latè prosequitur, quòd remedium reuocandum attendorum melius sit, quam inter-

dictum vnde vi, seu possessionis recuperandæ: nam appellanti sufficit ostendere, quod tempore appellationis fuerit in possessione; nam hoc ostendo, etiam summaria cognitio, contra quemcumque possessorem redi- cendum est in pristinum statum, reuocatis omnibus attentatis post appellationem. Dixi de hac re in qq. disput. de elect. q. 115. & docent DD. in c. causis, 30. de elect.

N O T A N D V M III. Iuramentum non obligat, quatenus cedit in præiudicium, seu iniustam læsionem Ecclesiæ, vel personæ tertiae. Nam sicuti simplici promissione se ipsum quisque obligare potest, non alium, neque Ecclesiam suam sine debita solemnitate; ita neque accessione iuramenti: Nam iuramentum retinet naturam actus, cui adiungitur, vti docent DD. in l. vlt. C. de non numerata pecunia.

Quærit potest hoc loco: Num Metropoli- litanus per consuetudinem diuturnam obtinere poslit contra Coëpiscopum, vt in sua institutione iuramentum obedientiæ secundum certam formam præstare cogatur. Arbitror esse affirmandum, cum Abb. h̄c, in Gl. penult. Verū in hoc casu opus erat consuetudine immemoriali, qualis hic defec- erat, aut ostendi nō poterat: Cūm enim ca- nones certam formam iurandi præscriberet, ideo Metropolitanus aliud iuramentum ex- igens habebat sibi ius commune cōtrarium, consequenter opus erat ostendere consuetu- dinem, cuius initij nulla memoria existet, iuxta c. 1. de præscript. in 6.

CAPITVLVM XIV.

Cūm olim.

PARAPHRASIS.

Vacante Prælatura Monasterij Saluatoris Messanensis, Conuentuales in Abbatem elegerunt personam indignam: quamobrem pro ea vice eligendi potestate pri- uati erant. Sed Gregor. I X. ex gratia speciali concessit illis eligendi, seu poftu- landi facultatem; Adijcens mandatum, vt, quia eo tempore Ecclesia Cathedralis

Mess.

Mellanensis vacabat, Abbatem à se ele-
ctam præsentem Capitulo Mellanensi, vt
electionem confirmet, vel infirmet, sic-
uti de iure fieri opòret.

S V M M A R I V M .

1. Capitulares etiam inferiorum ecclesie-
rum eligentes indignum in Prælatum,
ipso iure pro vna vice priuantur eligen-
di potestate.

2. Vacante Sede Episcopali, Capitulum
confirmat & infirmat electionem Ab-
batum, & aliorum Prælatorum qui non
exempti sunt.

Instituit etiam præsentatos ad beneficia
præsentata, non autem ea conferre pot-
est, quæ libera ad Episcopum spectantis
collationes sunt.

3. Neque eorum beneficiorum collationes,
aut Prælatorum electiones instituere
potest, quæ ad Episcopum deuoluta
sunt.

4. Capitulum Cathedralis ecclesie, Sede
Episcopali vacante, exercet omnem
iurisdictionem Episcopalem ordinariis
tam temporales, quam speciales, pre-
terquam quod alienationes & donatio-
nes facere, & quæ ardua ac præiudi-
cialia esse possint, expedire nequeat.

5. Potest Capitulum, vacante Sede, in casu-
bus Episcopalibus dispensare & absolu-
vere, & per consequens Panitentiarium
constituere, qui à peccatis resuatis ab-
soluat.

6. Potest Statuta obligantia totam diœcesi-
fin facere, quæ perperua sint, & durent
etiam constituto Prælato, qui tamen
ea reuocare potest, si velit, modi in ea
non iurarit.

7. Potest etiam compellere executores te-
stamentorum ad exequendum, eos pu-
nire, & ab ipsis rationes exigere.

8. Indulgentias dare non potest.

9. Negat onerare Episcopatum pecunias
mutuo acceptas, nisi vitilas & magna
necessitas ac eidens ad hoc cogat.

10. Non potest Capitulum ecclesie regula-

ris Cathedralis Religiosos ad Mona-
sterium Sede vacante admittere; per
consuetudinem tamen hanc potest accep-
tare potest.

11. Resignationes beneficiorum absolute fa-
cta à Capitulo, vacante Sede, recipi
non possunt.

12. Potest Capitulum dare Abbatii, vel si-
mili Prælato licentiam transiendi ad
Prælaturam alterius diœcesis.

13. Nominē causarum arduarum, quæ va-
tante Sede à Capitulo expediri non
possunt, intelliguntur ea, quæ grauias
& secundum consuetudinem ecclesia-
rum solum Episcopos competere censem-
tur, uti sūm Synodus congregare,
diœcesin visitare, Capitulum institue-
re &c. & hæc extra necessitatē casum
Capitulo non competunt.

NO T A N D V M I. Nōn tantum Eccle-
siae Cathedralis, sed etiam inferiorum
Ecclesiarum Capitulares ipso iure eligendi
pro vna vice potestate priuantur, si perso-
nam indignam in Prælatum eligant. Ita su-
mitur ex hoc c. secundum communem eius
intellectum.

NO T A N D V M II. Vacante Sede Epi-
scopali, Capitulum ordinariam Episcopala-
m iurisdictionem exerceat: quamobrem
electos Abbates, & alios Prælatos non ex-
emptos confirmat, vt hic apparet, & præ-
sentatos à patronis instituit, c. i. de instit.
Sed quæ libera ad Episcopum spectantis
collationis beneficia sunt, Capitulum va-
cante Sede conferre non potest, cit. c. i.
Quia electos confirmare, & præsentatos in-
stituere, si idonei sunt, necessitatē actus sunt:
Sed libera collatio donationem magis con-
tinet, quæ Sede vacante Capitulo interdi-
cta est. Quam rationem affert Gl. in cit. c.
i. ver. non possit. Abb. hic col. 2. argum. c.
vlt. de offic. Vicarij, in 6. Rebuffus in pra-
xi tit. de deuolut. n. 101. Garcias de benef.
p. 5. c. 7. & seqq. vbi generalem limitatio-
nem comprobat: Quotiescumque collatio
beneficii, alioquin non patronati, necessa-
ria est, vt quia certæ personæ, aut alicui ex

Aaaa } certa

certa familia conferri debet, à Capitulo fieri posse.

N O T A N D V M I I I . Capitolum vacante Sede beneficiorum collationes aut Prælatorum electiones instituere non potest, quæ ad Episcopum deuolutæ sunt. Id docui in qq. de elect. q. 102. & tradit hic Abb. col. 2. Lapus in c. vn. hoc tit. in 6. Franc. Pauinus de potestate Capituli vacante Sede p. 2. q. 2. Rebuffus in praxi tit. de deuolution. n. 93. contra Ioann. Andr. c. quamquam, de elect. in 6. Anchar. in c. vn. hoc tit. in 6. Et sumitur ex hoc c. Nam alioquin Pontifex non præiudicasset Capitulo Messanensi, si propter delictum Conuentus elec^{tio} Abbatis ad ipsum pertinuisse: Non enim facile gratiam Pontifex conferre solet cum derogatione iuris alieni. Sed quia Sedes tunc vacabat, ideo ne Abbatis electio diu differretur, Pontifex ex gratia permisit Cōuentui nouam electionem. Et confirmatur hæc doctrina ex c. vn. Ne Sede vacante, in 6. vbi regula negativa habetur, quod beneficia ad Episcopi collationem spectantia Sede vacante Capitulum conferre non possit: neq; in iure reperitur exceptio aliqua quo ad casum istum deuolutionis. Accedit, quod Pius V. in Bulla 161. quæ incipit: *Sanctissimus, omnia beneficia, quorum collatio ad Episcopum quomodolibet pertinet, vacante Sede sibi referuauit.*

Cæterum, cùm de potestate Capituli varia dicant Doctores, ut videre licet apud Abb. & Felinum hic, Ioann. Franc. Pauin. de offic. & potest. Capituli Sede vacante, Quarantam in Bullario, ver Capitulum Sede vacante, Barbosam de potest. Episc. p. 3. alleg. 73. placet de ea re generalem Regulam statuere. Capitulum Sedis Cathedrales vacante Sede exerceat omnem administrationem, & iurisdictionem Episcopalem ordinariam tam temporalem, quam spiritualem: præterquam quod alienationes, & donationes facere non possit, neque quæ ardua, & præiudicialia esse possunt, absq; necessitate ab eo expediri. Videri potest Ioan. Franc. Pauinus de potest. Capituli Sede vacante. q. 1. & seqq. Dixi primò: Quod pos-

sit Capitulum exercere iurisdictionem Episcopi ordinariam: siue ea ex iure communni competit, siue per consuetudinem acquisita sit, vt hic Abb. docet q. 10. siue ea speciali iure ac priuilegio in perpetuum concessa sit Episcopis, ita vt in ordinariam transeat, cuius exemplum habes in Concil. Trid. sess. 24. c. 6. de reform. Nam in tali potestate, quæ Episcopis iure speciali ordinario competit, Capitulum succedere, plerique DD. docent apud Sanchez lib. 8. de matrim. disp. 2. n. 10. Barbosam in remiss. super cit. c. 6. Trident. Secūs est, si Episcopis absolute & in perpetuum aliquid commissum sit, vt expediāt authoritate Apostolica, seu vt delegati Sedis Apostolice: talis potestas ad Capitulum non transit; nam Capitulum succedit Episcopo in iurisdictione ordinaria, non in delegata. Si autem Episcopis per viam iuris in perpetuum quippiam commissum sit, vt tanquam Sedis Apostolice delegati expediant, censetur esse potestas non ordinaria, sed delegata, secundum Gl. in c. ad abolendam, 9. ver. delegatis, de hæreticis, Abb. hic dub 5. Barbosam cit. ver. Capitulum in princip. & de potest. Episcop. p. 3. alleg. 92. Garcias de benef. p. 5. c. 7. n. 39. & alij apud Pauinum p. 1. q. 10. Sanchez cit. n. 10. Nam hoc ipso quod authoritate Apostolica procedere debent Episcopi, non agunt ex proprio seu ordinario Episcopali officio, adeoque non iure ordinario, sed delegato, argum c. vlt. de offic. Ordinarij. Exemplum afferunt Lapus, & Ancharan. in c. vn. hoc tit. in 6. ex Clem. 2. de statu Monachorum, vbi statuit, vt Ordinarij locorum Monasteria Monialium, quæ exempta non sunt, authoritate ordinaria, quæ autem exempta sunt, tanquam Sedis Apostolice delegati, singulis annis visitent: Et plura alia per Trident. Concil. Episcopis concessa sunt, vt in Religiosos exemptos exercere valeant, tanquam Sedis Apostolice delegati, de quibus dixi in quantum, 7. de offic. ordinarij.

Potest autem Capitulum vacante Sede in casibus, qui vel per se, vel per accidentem, (videlicet propter difficultatem adiundi Pon-

tificem) Episcopales, seu ordinariæ Episcopalis iurisdictionis sunt, dispensare, & absoluere, consequenter Pœnitentiarium constitutere, qui à peccatis reseruatis absoluat, vti notauit Abb. in c. his quæ, in fine, hoc tit. Quaranta cit. ver. Capitulum Sede vacante, q. 3. & constat ex c. vn. hoc tit. in 6.

Potest item Capitulum vacante Sede facte statuta obligantia totam dicæcesin, ita ut perpetua sint, & durent etiam constituto Prælato, qui tamen, si velit, eadem reuocare poterit: cùm pari, videlicet Episcopali iurisdictione prædictus sit; nisi in illa iuravit: dummodo honesta & laudabilia sint, neque Ecclesiæ, aut Episcopalibus iuribus iustè acquisitis præiudicantia: alioquin enim non valét iuramentum; cùm Canonici vacante Sede nihil possint statuere de rebus Episcopatis, in ipsius præiudicium, c. sicut, 27. iun. Gl. ver. in c. damnum, de iure, & tradit Felinus in c. cùm omnes, n. 10. de Constit. Pauinus p. 1. q. 6. n. 8.

7 Potest etiam Capitulum vacante Sede compellere executores testamentorum ad exequendum, & negligentes punire, atque rationes ab eisdem exigere, sicut Episcopi possunt: cùm hæc ad ordinariam eorum iurisdictionem spectent, c. tua, 17. c. Ioannes, 19. vbi Couar. n. 1. de testament. Cardinal. Zabarel. in Clem. vn. col. 2. ver. Quaræ cum vario modo, de testament. Anchæran. in c. vn. hoc tit. in 6. Pauinus in cit. tract. p. 2. Quaranta q. 7.

8 Idverò magis dubitatur, Vtrum Capitulum vacante Sede Cathedrali indulgentias dare possit. Affirmat Abbas hic q. 13. Pauinus de potest. Capituli Sede vacante, p. 1. q. 4. Sed alij Canonistæ, vt Pauinus testatur, communiter negant: Quia, vt Ecclesiæ praxis testatur, potestas dandi indulgentias Episcopis concessa est ratione dignitatis, ac præminentiae Episcopalis; quare alijs qui Episcopi non sunt, licet Episcopalem vel quasi Episcopalem iurisdictionem exerceant, non conceditur, vti notauit etiam Suar. p. 3. t. 4. disputat. 54. f. 4. n. 5.

Dixi secundò: Quid Capitalum dona-

tones, & electiones bonorum, seu iurium Episcopaliū. Sede vacante instituere non possit, scilicet si qua de rebus, 42. causa 13. q. 2. & dixi lib. 1. Theol. moral. tr. 4. c. 7. n. 14. Sed neque pecunijs merito acceptis Capitulum onerare potest Episcopatum; nisi virtus, ac necessitas magna & evidens sit: tunc id facere potest, ita ut successor obligetur, tanquam cuius negotium utiliter gestum fuerat, vti docet Gl. recepta in c. cupientes, 16. §. ad hæc. ver. aliunde, de elect. in 6. Pauinus p. 2. q. 8. n. 20. Gutierrez lib. 1. canon. qq. c. 1. n. 132. Quaranta loco cit. q. 6.

Deinde, sicuti Capitulum Sede vacante non potest beneficia secularia conferre, quæ ad Episcopi collationem, præsentationem, vel electionem spectant, c. 2. Ne Sede vacante; ita nec potest Religiosos ad Monasterium admittere, si Ecclesiæ regularis Cathedralis Capitulum sit, argum. c. vn. Ne Sede vacante in 6. & tradit Gl. in c. vlt. ver. creari, de regulari, in 6. ibid. Dominicus in fine Syl. ver. religio, 3. q. 13. Sanch. lib. 5. moral. c. 4. n. 67. Pauinus in cit. tract. p. 1. q. 8. n. 8. Quid Capitalum, seu Conuentus regularis sive Ecclesiæ Cathedralis sit, siue non Cathedralis, vacante Sede seu Prælatura, non possit Religiosos ad professionem admittere: quandoquidem talis admissio seu creatio Monachi, spectato communi iure, ad solum Abb. spectat, argum. c. nullam, 9. causa 18. q. 2. & c. Ad Apostolicam, 16. de Regulari. & ex communi docet Sanchez cit. c. 4. n. 64. Verum per consuetudinem Conuentus acquirere potest ius ad professionem admittendi: Quod maximè locum habet, si Ecclesia Cathedralis sit, eiisque Episcopus non professus; vel si Monasterium incorporatum, vel commendatum sit Prælato seculari, qui fortasse nec residet in Monasterio, facile, inquam, seu consuetudine seu priuilegio, acquiri potest Conuentui, vel ei, qui Prior aut Præpositus est Conuentui, vt Monachos creet, seu ad professionem admittat.

Denique resignationes beneficiorum, si absolute & simpliciter sicut, à Capitulo vacante

vacante Sede recipi non possunt, spectato communi iure. Ita docet Flaminius de resignat. lib. 7. q. 23. n. 37. Rebuff. in præxi. tit. de deuolut. n. 59. q. 9. limit. 5. argum. c. vn. §. cùm verò, Ne Sede vacante, in 6. vbi dicitur, quod Capitulum in beneficiis ad Episcopi collationem spectantibus se intromittere non possit: Accedit, quod resignationem beneficij accipere, est gratia seu remissio obligationis, argum. c. admonet. 4. de renunt. & ex communi tradit Garcias de benef. p. 5. c. 7. n. 2. Ergo à Capitulo fieri non debet, cùm vacante Sede iura Episcopalia diminui non debent, Secus verò dicendum, si collatio beneficij ad Episcopum & Capitulum simul pertineat, vel si resignatio accipiatur propter crimen commissum, seu in pecuniam, aut ob aliquam necessitatem; vel si causa permutationis: his casibus Capitulum potest dare poterit, vt ijdem DD. notant. Atque ob eandem causam Capitulum, vacante Sede, beneficiorum vno- nes instituere, quin & beneficia diuidere potest: quia eiusmodi propter utilitatem Ecclesie, seu ob causam rationabilem fieri solita ad Episcopalem iurisdictionem spectant: Ergo à Capitulo, vacante Sede, expediuntur, dummodo eiusmodi vno, aut diuisio non per se tendat in Capituli utilitatem; neque per eam iuri Episcopali præiudicetur, vt dixi lib. 4. Theol. moral. tr. 2. c. 9. n. 6.

32 Sed numquid Capitulum vacante Sede licentiam dare potest Abbatii, vel simili Prælato transeundi ad Prælaturam alterius dioecesis. Gl. hic negat ver. Capitulo, ed quod hæc sit veluti species quædam alienationis. Sed præstat, vt affirmemus cum Abb. hic dub. 2. Ioann. Andr. c. si Abbatem, 36. ds elect. in 6. Pauino in cit. tract. p. 1. q. 8. n. 2. Nam hæc non est propriè alienatio, vt colligitur ex c. si Religiosus, 27. §. Quia verò, de elect. in 6. Ergo locus est regulæ, quod Capitulum succedat in potestate ista; cùm ad Episcopalem iurisdictionem spectet.

33 Tertiò dixi in regula: Quod quæ ardua sunt, &c. Capitulum absque necessitate expedire non possit. Quod non ita generali-

ter accipi debet: quasi causas arduas Capitulum vacante Sede expedire nequeat, cum talem absolutam prohibitionem in iure non reperiamus. Etenim causæ matrimoniales graues, & arduæ censemur, c. 1. de consang. & affinit. & tamen vacante Sede Capitulum eas cognoscit, argum. c. veniens, 7. de eo qui duxit, & docet Pauinus q. 10. n. 8. Quaranta ver. Capitulum Sede vacante. q. 5. Sed debet intelligi, quod quæ grauia, & secundum consuetudinem Ecclesiæ, solis Prælatis seu Capitulis Ecclesiæ Episcopis competere censemur, vt Synodus congregare, diœcesin visitare, charitatuum subsidium postulare, Capitulum instituere non possit; nisi necessitas cogat, sicuti de visitatione in necessitatibus casu tradit Pauinus p. 1. q. 7. Barbosa de potest. p. 3. allegat. 73. n. 24. Et de subsidio charitati quo docet idem Pauinus p. 1. q. 10. n. 18. De Synodo verò, num à Capitulo vacante Sede congregari possit, tractat idem Pauinus p. 1. q. 7. n. 3. Henricus Bottaeus de Synodo Episc. p. 1. q. 6. n. 40. & utrumque affirmat. Sed arbitror, eodem modo dicendum esse de Synodo, sicut de visitatione, absque necessitate instituendas non esse à Capitulo, si paulò post Episcopus instituendas spretur: Secus, si Sedes diu vacatura sit, vt quia Episcopus ab hostibus captus sit, vel si alia necessitas ingrat, vt res moram non patiatur,

CAPITVLVM XV.

Statuimus,

PARAPHRASIS.

Statuit Gregor. IX. vt in Ecclesia S. Maria maioris in Urbe Clerici alijs alios antecedant secundum ordinum gradus, & non quatenus prius recepti sunt: Et similiter in portione beneficj percipienda qui maiores in ordine sunt, etiam si posterius recepti alijs potiores sint, denique vt qui in minoribus ordinibus sunt, servitia consueta per agant.

SYM.